

Procedimento den Corte Federal na Alabama

Joran van der Sloot lo bay declara su mes culpable den caso di extorsion

BIRMINGHAM: Documentonan di Corte cu a wordo presenta Diabierna cu a pasa, a indica cu e detenido Joran van der Sloot, kende ta ainda e sospechoso principal den e desaparicion di Natalee Holloway na 2005, tin intencion di declara su mes culpable den un caso federal cu ta acus'e di a trata di extorsion a placa for di e mama di e teenager perdi.

Un hues federal a marca e fecha di Diar-

anson 18 di October, pa audiencia pa tende declaracion y dicta sentencia den e caso di Joran van der Sloot naciudad di Birmingham, Alabama. Anteriormente el a declara su mes no-culpable den e caso. Joran a wordo extradita for pa Alabama procedente di Peru, unda e ta sintando un castigo di 28-aña despues di a confesa di e asesinato di un dama Peruano

na 2010. Natalee Holloway mes a desaparece



na 2010. Natalee Holloway mes a desaparece

durante un viahe di graduacion di High School na Aruba. El a wordo ultimo biaha mirata bandona Carlos 'n Charlie's cu Joran van der Sloot, kende tabata estudiante na scol internacional riba e isla. E desaparicion misterioso a trece hopi aña di cobertura di prensa y cantidad di reportahe y documentario.

Joran van der Sloot a wordo identifica como un sospechoso principal y a wordo aresta pa interrogacion, pero nunca a wordo acusa oficialmente. Fiscalnan na Merca a indica cu na 2010, Joran van der Sloot a busca di haya placa di Beth Holloway y cambio di esey lo bay divulga e lugar unda e curpa di su yiu muher ta poni. Un grand jury e aña ey na Merca a dune citacion pa bin duna declaracion den Corte.